

Yá valió d'impostures Pola escuela pública, laica y asturiana



Si la **LOCE del PP yera mala**, la LOE del PSOE y los sos socios IU y ERC ye **igual o pior**, porque amás naz col aval de la izquierda oficial y cola mázcara de llei **progresiva**. ¿Por qué ye un avance una llei qu'apurre tovía **más privilexos a la escuela concertada** esparciendo los conciertos a tolos niveles educativos, que sube la financiación a la redde privada, que caltién la dixebra social del alumnáu, qu'aumenta les ratios por aula, qu'implica la perda de miles de puestos de trabayu na redde pública, que nun permite diseñar un espaciu educativu asturianu, que sigue financiando **l'adoctrinamientu relixosu con perres públiques?**



La LOE ye una de les mayores agresiones a la escuela pública nos últimos años y vien amás antroxada de llei laica y radical, gracias a la campaña interesada de la derecha que quier centrar el debate na cuestión relixosa, cuando lo que-y interesa de verdá a la patronal de la escuela privada ye lo de siempre: más perres públiques pa caltener los sos negocios privaos. Ye ehí onde ta la impostura: el PSOE quier dexar la enseñanza de la relixón igual que taba anantes: la derecha preséntalo como un ataque anticlerical y el PSOE y los sos socios asumen esi discursu pa dar asina una imaxe d'esquierdes a una llei que ye socialmente regresiva y privatizadora. Y toos contentos: el PP porque apaez énte la so clientela como la derecha católica defensora de la fe frente a los ataques inesistentes del monstru comechures, y el PSOE porque apaez énte la so clientela como la izquierda laica que-y da caña a la reacción vaticanista. Como toos dos, **PSOE y PP, defenden la mesma política neoliberal, precarizadora del empléu y enemiga de lo públicu**, necesiten banderes como la relixosa pa caltener la vieya imaxe d'esquierda y derecha clásiques que movilicen un electoráu ca día más fartu de ver polítiques intercambiables.

**adoctrinamientu
relixosu na escuela
NON
más perres
públiques pa
negocios privaos**

Impostura ye tamién votar esa llei en Madrid y manifestase n'Uviéu escontra ella. Impostura ye dicir que se ta pola escuela pública y tar **nun gobiernu asturianu que sigue colos conciertos cola privada**, desfái la escuela rural y precariza el trabayu y les condiciones de la redde pública. Impostura ye dicir que se defende l'asturianu na enseñanza y caltener la situación llaceriosa de l'asignatura y de quien la imparte (de dar clase n'asturianu nin falamos). Impostura ye pretender tar por un **espaciu educativu asturianu y arrenunciar a la oficialidá de la llingua y con ello a un mayor porcentax de conteníos propios nel currículum**. Impostura ye facer pasar por izquierda lo que nun lo ye y como laicismo la financiación pública de la enseñanza relixosa.

Yá valió d'impostures. **Dende Izquierda Asturiana (IAS) y Mieda d'Izquierda Asturiana (MIAS)** apostamos por una escuela pública, laica y asturiana, que sirva pa formar homes y muyeres llibres colos que llevar el nuestro país y non pa formar la mano d'obra obligada a emigrar y xenerar riqueza lloñe de la so tierra.

¡Por una educación digna n'Asturies pa llevar una vida digna n'Asturies!

www.ias.as

Plaza Primo de Rivera, 5
entesuelu, oficina 9

www.ias.as/mias

contacta@ias.as

33111 Uviéu - Tlf/Fax: 985.11.20.97

mias@ias.as